

Մարտ
Հարությունյան

Իսադիկներ



Ուրաջում (disclaimer)

Հարգելիդ իմ ընթերցող, սույն տաղերն ընթերցելիս դու ականատես կլինես բազում ուղղագրական սխալների, և հնարավոր է, որ փորձես փնովել ինձ դրանց համար: Այդ առթիվ շտապեմ տեղեկացնել, որ ես քաջ գիտեմ բոլոր բառերի իմաստներն ու ուղղագրությունը, և որ բոլոր նկատված սխալները արված են այս կամ այն նպատակով՝ խաղիկին համապատասխան ոգի տալու համար: Այնուամենայնիվ ներողություն եմ խնդրում որոշ տաղերում փողոցային բառեր նետած լինելու համար:

Ֆայլի վերնագրի հեղինակ՝ Էրեջ Երևանցի:

Կազմին՝ «Տեառնայի երազը», հեղինակ՝ Էրեջ Երևանցի:

Բովանդակություն

<i>Ֆիզմաթում.....</i>	<i>5</i>
Պախմել (խմուկ)	5
Խմուկ	5
Արս, ինչի՞ ես էսքան թարս.....	5
Պղավիթ.....	6
Էդո vs Էրեջ	6
Ռուշանյան	6
Արսենին.....	6
<i>Եղանակային</i>	<i>8</i>
Տարվա եղանակները.....	8
Աշուն	8
Ձյուն.....	8
Ձյուն 2.....	9
<i>Ֆիզտեխում</i>	<i>10</i>
Լյովին	10
Սարո vs ֆիզկուլտ.....	11
Արսենի՛թր, բիվշի Դավոն և լոդի մրցումը.....	12
<i>Լեզենդներ</i>	<i>16</i>
Տեառնե՛ն, Ռուդոլֆ Հիտլերը ու սափրագլուխ շունը	16
Ֆրեշմենիստը.....	16
Տեառնե՛ սամուրայր և Էրեժ իմաստակերտը արշավում են	17
<i>Դիպվածներ.....</i>	<i>22</i>
Գիտնական ճնճուկը.....	22
Ճանճասպանասպանը	22
Տանջանք	22
Խորհրդավոր եռանկյունը.....	23
Գրքախտ	23
Հրաժեշտ Ռուդին	23
Հակասություն.....	23
Սարո vs խինկալի	23

Զանազան.....	26
Խոկմունք	26
Պարադոքս.....	26
Անսխալին.....	26
Մութ անտառում	27
Ժայռեր.....	27

Ֆիզմաթում

Պախմել (խմուկ)

Տարոնի գլուխն է ցավում (Բաղալյան),

Ու նաև սիրտն է խառնում:

Կարո՞ղ եք արդյոք գուշակել,

Թե երեկ նա ինչ է արել:

Երեկ, երբ մենակ էր մնացել

Տարոնը իրար էր խառնել

Կոնյակն ու գինին, ու խմել

Երկու-երկու շիշ ու հարբել:

Էնքան էր նա խմել անհագ,

Որ ընկել էր պախմելի տակ:

Ու ինքն էսօր փռշմանել էր,

Որ դասի եկել նստել էր:

Հիմա նստել էր տրտնջում,

Ո՛չ զարթնում էր, ո՛չ էլ քնում:

x.02-03.2017

Խմուկ

Տարոնի գլուխը ցավում էր,

Ու խետն էլ սիրտը խառնուկ էր:

Կարա՞ս գյա դու գուշակես,

Թե հերեզ ինչ էր արե:

Հերեզ մենակ էր մացել,

Մե իրար էր խառնվել,

Կոնյակ-պիվեն խառնեց հիրար

Հերզ-հերզու շիշ ու հառփեց:

Գյա էս գյադեն էնքան խմեց,

Վերջ հնցավ պախմելի տակ:

Ու էսօր հինքը փռշմանուկ,

Եկել դասի նստուկ:

Հիմա նստուկ տրտնջուկ էր,

Ոչ զարթնուկ էր, ոչ էլ քնուկ:

(Թարգմանիչ՝ Տարոն Պիծակ)

Արս, ինչի՞ ես էսքան թարս

Արսենը մեր դասարանի

Խայտաբղետ ժողովրդի

Միջից մաթեմատիկայի

Խնդիր լուծողն ա սիրելի:


Բայց երբ իրան դու հարկադրես,

Որ քո համար խնդիր լուծի,

Դժվար թե իրան համոզես,

Որ խնդրի վրա մտածի:

09.03.2017



Էրեջ Ա Իմաստուն, պատկերված խլեզի տեսքով, ինչպես նրան նկարագրում էր Կուրդիսյան Բիլորը, Ֆիզմաթ հատուկ դեբիլների դպրոց¹

Պղավիթ

Պղավիանոսն ու ֆիզիկան

Կործանեցին մեր ապագան:

Էդո vs Էրեջ

Էրեջինյոն պլանշետով

Դասարանի անկյունում

Կիսաճապաղված դիրքով

Գյոմետրի դաշ էր խաղում:

Ես նրա կողքն էի նստել

Ու խաղին էի հետևում,

Չհասցրի նկատել,

Ոնց էր Էդոն մոտ քայլում:

Ու նա՝ երբ հասավ մեզ մոտ

Չոփեց Էրեջինյոյին,

Էրեջինյոն էլ ցասկոտ

Հետապնդեց Էդոյին:

Բայց ախր ես ո՞նց չասեմ,

Որ Էդրանից առաջ

Էդոն արտաբերել էր

Հուսակոտոր մի բառաչ:

Ախր ես Էրեջինյոն


Տվել էր ու ջարդել էր

Էդոյի եղած-չեղածն

Ու վայն էլ հանել էր//

//ու շատ լավ էլ արել էր:

25.04.2017



Էրեջը և Էդիկը բնական միջավայրում

Ռուշանյան

Ընկեր Ռուշանյանն անընդհատ

Ասում էր «ձիբիլե սիձյատ»:

Արսենին

Տիեզերքում ճախրում է մի

Կենսաթրթիռ պատանյակ,

¹ «Ֆիզմաթ հատուկ դեբիլների դպրոց» արտահայտությունը պատկանում է մեր

մաթեմատիկայի ուսուցիչ Վարդանյան Վարդանին

Եվ կրում է նա հագին

Սպասածելսկի մի օղակ:

Ընթանում է ճախրանքով,

Թներ է առել քանգի,

Ոչ թե ռեդբուլ ըմպելով,

Այլ մոզական խմիչքի

Ումպերից փրփրագեղ,

Բարեհամ, անմահական,

Որը կոչվում է համեղ,

Ապարանի գագով թան:

Մեր ասպետն ունի ձեռքին

Խուրձ գովասանագրերի,

Իսկ մյուս ձեռքում առանձին

Տրցակ շտեմարանների,

Որոնք սակայն մաշվել են,

Նիհարել ու բարակել,

Քանի որ նրանք շատ են

Տիրոջ կողմից կրծոտվել:

Սակայն նեղ է մեր փամփիլիկ

Անցորդի համար ճամփան,

Չէ՞ որ բոյով է սաստիկ,

Անձուկ է տիեզերքը լայն:

Չնայած իրեն պահել

Ուզում է փոքր-ինչ վսեմ,

Խոսքն այստեղից է ծնվել՝

«Ապե վա՛ղ եմ, շատ վա՛ղ եմ»:

Դե հապա մի գուշակեք,

Ո՞վ էր մեզ հետ սավառնում,

Ում մասին մենք գործեցինք

Ամբողջ քանաստեղծություն:

14.06.2019

Եղանակային

Տարվա եղանակները

Գարնան արևն առատ ու ճոխ

Շողաց վրան երկրի ողջ:

Երգեց սոխակն իր ձայնով ժիր,

Բացեց կակաչը թերթերն իր:

Պարզվեց օրը ու ձգվեց այն,

Ժպտաց, ցնծաց աշխարհն համայն:

Եկան հավքերն տաք հարավից,

Մեր ներշնչվեց վառ գարունից,

Զարթնեց բնությունը նորից:

Արևն հասավ իր գենիթին,

Լսվեց մանկան ձայնը կրկին:

Ամառ տեղաց տեղատարափ,

Հնչեց անձրև հորդ ու առատ:

Խառնվեցին անձրևն արևին,

Ծիածան կապեց երկնակամարին:

Երգեցին դաշտերն պայծառ գույներով,

Ժպտացին ծառերն մրգերի ծովով,

Ամառը անցավ երգով ու պարով:

Ամառը անցավ, աշունը եկավ,

Օրը կրճատվեց, տխրամած դարձավ:

Պարեց տերևը բազմագույն խաղով,

Ընկավ ընկերոջ կողքին շրշյունով:

Լսվեց քամու ձայնն սթափեցնող,

Ելույթ ունեցավ երկինքը մաղով:

Ցամաք գետակը կրկին վարարեց,

Բայց բնությունը տխրեց, թախանձեց:

Աշունն իր տխուր երգը նվագեց:

Դալկությունն է իջել ծառերին,

Ճերմակ սավանն է պատել հանդերին:

Աշունն անցել է, ձմեռն է եկել,

Ու իր հետ բուք ու բորան է բերել:

Ջուրը շենքի տանիքին հոսել

Սառույց է կտրել ու մորուք հյուսել:

Արևը տաք չէ ու չի հուրհրում,

Փողոցում ոչ ոք էլ չի երևում:

Բուքն է գվռնում շեն ու լեռներում:

23.04.2015

Աշուն

Դալուկ դաշտերին իջել է աշուն,

Ջովը ընկնում է, տերևը՝ պարում,

Կանաչը՝ թռչնում, դառնում է անգույն,

Դառնում է գետը նորից կարկաչուն:

28.04.2015

Ձյուն

Ձյուն կուսական՝

Սարերի ձյուն,

Դու անապական,

Սավան դու փայլուն:

Փովել ես ճերմակ՝
Սար ու ձոր ծածկած,
Լայնարձակ վերմակ
Հետևիցդ ձգած:

Ձյուն 2

Ձյուն է տեղում կրկին դրսում,
Ձյուն է գալիս ձյունի երկրում²:
Քանի ժամ է այն անդադրում
Տեղում է ու չի դադարում:

03.04.2022

² Ռուսաստանում


Ֆիզտեխում

Լյովին

Եթե անցնես դու Գե-կա-ի միջանցքներով,
Երեկո, թե առավոտ է՝ կապ չունի,
Անշուշտ բազմոցներին դու կնկատես
Ակնոցավոր և մեծ քթով մարդու մի:

Մարդը ո՞րն է, մարդուկի, որ հագին իր
Ունի բաճկոն վանդակավոր, կնգուղով,
Կիպ, սև շավար, կարճ, սև գույգ
գուլպաների,
Ոտքերին կեղեր՝ սպիտակ շրջանակով:

Լյով են կոչում սև ու սպիտակ այդ
մարդուն,
Ով բազմոցին բազմած լուռ ու անվրդով
Խորասուզված է նոթբուքի մեջ խոհուն՝
Ոտքը ոտքին ու թրաշը քորելով:



Հազվադեպ կադր՝ Լյովը բոտակոում

Եթե նրան դուք չճանաչեք հանկարծ
Եվ հենց առաջին անգամվանից փորձեք
Գուշակել, թե ինչով է նա ըզբաղված
Հազիվ թե ճիշտ գլխի ընկնել հաջողեք:

Իսկ փաստն այն է, որ նա հաստատ այդ
պահին
Դաս չի անում և ոչ էլ հողված կարդում,
Այլ մի ինչ-որ պարազիտ ուսանողի,
Ինչպես նաև Հրաչի պատվերն անում:

Այդուհանդերձ, եթե ուզենաք շեղել
Այդ մարդուն իր գործից կարևորագույն,
Ապա դա անել դուք կկարողանաք
Տանկ թրաքի պարտիայով եռագույն:

Բայց այս մարդը նաև պատվերներից զատ
Միբում է ամեն ձմեռ Հայաստանից
Հարյուր հիսուն ռուսական ռուբլուն
մունաթ
Ջահելություն ներկրել ֆիզտեխ նորից:

Մեր հերոսի նախասիրություններից
Չմոռանանք մենք նշել, ահավասիկ,
Արջին, չաղկալին, Հեղնարին, կապ չունի,
Հետապնդելն ու նվիրելն բառնտի:

Այդպիսին է հերոսը մեր խաղիկի,
Միջանցքի շարժման հսկիչը այս անթարթ,
Արտաքինից հիշեցնում է մանյակի,
Քչախոս, շատագործ է, բայց ոչ անդարդ:
18.03.2022

Մարո vs ֆիզկուլտ

Վազեցի տնից սրընթաց,
Երբ ժամին ես նայեցի,
Մի սև տոպրակ ձեռքս բռնած
Արագ-արագ վազեցի:

Հասա ֆիզկուլտի կորպուսին,
Հանդիպեցի մարզիչին,
Կես ծիծաղով ուղարկեց ինձ
Վազել դաշտում՝ սառույցին:

Ես, իհարկե, ավարտելով
Սրահ հետ վերադարձա,
Մարզիչի հրահանգներով
Հանձնարարություն ստացա:

Մարգասարքին ես մոտեցա,
Կիսապառկեցի մեջքիս
Անելու համար «Ժիմ լյոժա»՝
Բռնակները ձեռքերիս:

Տղաներից մեկն այնտեղի
Ճիգ թափելս նկատեց
Եվ ինձ բարեկամավարի
Լծակն իջեցնել հուշեց:

Կռացա այդ լծակին ես,
Որ իջեցնեմ այն ձեռքով,
Մարզիչն էլ դեպ ինձ շրջվեց՝
«Մարո՛, ձեռքո՛վ չէ, ոտքո՛վ»:

Ոտքով լծակն իջեցրեցի,
Բռնակներն առաջ եկան,
Վարժությունն անել փորձեցի
Թիակները հետ չեկան:

Ու մինչդեռ ես պայքարում էի
Թիակների դեմ սեղմող
Մարզչի ձայնը լսվեց կրկին
«Մարո՛, ոտքդ արդեն թո՛ղ»:

Այդպես վարժությունս անցավ
Եվ մոտեցա ես ձողին,
Որից ճախարակով կախված
Ուղղանկյուն բեռներ կային:

Նայեցի հպարտորեն ես
Ու տասնըհինգը քսանհինգ

Դարձրի, բայց քիչ էր դա էլ,

Փոխեցի երեսունհինգ:

Եվ նստեցի ես աթոռին

Ու ձողը ցած քաշեցի,

Բայց թեթև էի ես սաստիկ,

Ձողի տեղ վեր թռչեցի:

Արեցի այդ վարժությունը,

Ու դիմեցի մյուս սարքին.

Պետք էր բաց ոտքերով նստել,

Մոտեցնել ոտքը ոտքին:

Տեղավորվեցի հազիվհազ,

Ոտքերս փակել փորձեցի,

Բայց բեռը պարանով կապված

Ծանր էր, չըհաջողեցի:

Շրջվեցի, որ թեթևացնեմ

Բեռը այդ մարգասաքքի,

Մեկ էլ գնդասեղը, տեսնեմ,

Պոկվեց միջին իմ ձեռքի:

Հետ կացրի ես այն նորից

Ու խաղացնել փորձեցի,

Բայց անիծյալ բեռի միջից

Ասեղը չըհանեցի:

Այդ ընթացքում աղջիկ երկու՝

Դեպի իմ կողմ նայելով

Վրաս ծիծաղեցին գողտու՝

Տանջանքներս տեսնելով:

Ես հանձնըվեցի ի վերջո,

Ասեղն հանգիստ թողեցի

Եվ գլուխս կախ ու խելոք

Լուռ ճգնել ըսկսեցի:

Դողալով մի կերպ վերջացրի

Վարժությունն այդ պատուհաս,

Վայրը լքել ես շտապեցի

Հենց ըստացա ես ներկաս:

Այդպիսին էր այդ օրվա իմ

Պարապմունքը ֆիզկուլտի,

Երբ եղա առարկան կրկին

Ուրիշների զավեշտի:

18.03.2022

Արսենիձը, բիվշի Դավոն և լողի մրցումը

Մարտի քսանին երկու հազար

Քսան երկու թվականի

Կազմակերպվեց մի մրցաշար

Ֆիզտեխում՝ լողամարտի:

Ութսունից ավել ուսանող
Ավագանի շուրջ խմբվել,
Վիճակում մեկնարկին սպասող
Հավասար-ըզգաստ էր կանգնել:

Այդ խայտաբղետ ամբոխում
Մի անձ կանաչ գլխարկով,
Եվ մի հոգին էլ կապույտում
Կանգնած էր փրչոտ փորով:

Արսենն էր առաջինը՝
Կանաչ գլխարկը ձեռքին,
Իսկ փրչոտը Դավիթն էր՝
Կանգնած Արսենի կողքին:

Շուտով ազդարարը հնչեց,
Եվ բոլորը ցրվեցին,
Մարզիչն անունները թվեց,
Վեց լողորդներ շարվեցին:

Ջրի աշխույժ ճիճփոցով
Վեց զույգ բազուկ աշխատեց,
Եվ այդ լողամարտը փութով,
Արագորեն ավարտվեց:



Արսենի՞նը և Բիվշին՝ հավասար-զգաստ կանգնած

Դրան հետևեց հաջորդը,
Մյուս լողամարտն մեկնարկեց,
Ջուրն նետվեցին հաջորդ վեցը,
Եվ դա այդպես շարունակվեց:

Վերջապես ցուցատախտակին
Գրվեց տասնյոթ թիվը,
Երեքն մոտեցան մեկնարկին,
Նրանց մեջն էլ Դավիթը:

Բայց մեկնարկը դեռ չէր տրվել,
Երբ Դավիթն ինքնամոռաց
Ջուրը նետվեց արագորեն՝
Առանց սպասելու նրանց:

Երբ նկատեց նա դա, ջրից
Արագորեն դուրս ցատկեց
Եվ վազելով նա ըշտապով
Հետ եկավ տեղը կանգնեց:

Հետո հնչեց ազդարարը,
Եվ բոլորը միասին
Մի քիչ հետ-առաջ ընկնելով
Ավազանը նետվեցին:

Բախտի բերմամբ, թե պատահմամբ
Մրցակիցներն ուժեղ էին
Եվ երեսունհինգ վայրկյան անց
Հիսուն մետրն անցել էին:

Իսկ Դավիթը այդ ընթացքում
Անտարբեր, անշտապորեն
Ձեռքերըն էր տանում-բերում
Հանգիստ, քմահաճորեն:

«Եկել եմ հանուն ներկայի»
Նրա արդարացումն էր,
Պատճառը ֆիզկուլտուրային
Իր՝ լողին գրանցումն էր:

Մի քանի լողամարտ ևս
Դրանից հետո անցավ,

Անունների փոփոխություն
Բազմիցս էկրանին եղավ:

Մեկնարկին դիմեց Արսենը՝
Կանաչ գլխարկը հագին,
Երբ կարմիրով քսանչորս թիվը
Լուսավորվեց տախտակին:

Լուսատախտակին այդ սակայն
Գրվեց միայն հինգ անուն,
Եվ տեղը Արսենի անվան
Զվառվեց ոչ մի ուղղանկյուն:

Անցավ այս մի մրցալողն էլ,
Տղաներն ավարտեցին,
Մոտեցան մի խումբ աղջիկներ
Եվ մեկնարկին շարվեցին:

Արսենը հարցրեց մարզիչին,
Թե ինչու՞ մըն էր բանը,
Ինչու՞ այդ լուսատախտակին
Զգրվեց նրա անունը:

Պարզվեց, որ կազմակերպող
Թիմը այդ անուշադիր
Չէր նկատել անունները
Մի քանիսի և հենց իր:

Եվ վերադարձավ Արսենը
Եվ այդպես էլ չմրցեց,
«Լավն չէր իմ մարգավիճակը»
Ինքն իրեն մխիթարեց:

Այնուհետև մենք լքեցինք
Կորպուսն ավազանի ու
Շուտով բոլորս ցրվեցինք՝
Ամենքն իր գործն անելու:
23.03.2022

Լեզենդներ

Տեառն, Ռուդոլֆ Հիտլերը ու սափրագլուխ շունը

Մայիս տասվեցին տասնհինգ թվի
Առթիվ գիշերվա թանգարանների
Մենք մեր տնով ու Ռուդին էլ առանք,
Էրեբունու Կարմիր բլուր պոկվանք:
Պարսպի վրա ելանք Ռուդն ու ես,
Բարձր խոսելով քայլեցինք այդպես:
Եռում էր խոսքը, չնկատեցինք,
Թե ոնց մի շան գոմոռոց լսեցինք:
Մեկ էլ հաչաց էդ շունը մեր վրա.
Ես Ռուդի ձեռք թողի՞ս ու թռա:
Ես մտածում էի, թե Ռուդն էլ իմ հետ
Վազում էր պարսպի երկայնքով էդ:
Բարեբախտաբար կամ դժբախտաբար
Շունն հետապնդեց ինձ գազանաբար:
Մեկ էլ տեսնեմ, որ շունը ինձ թողեց,
Ու խելագարված Ռուդին հետևեց:
Ու մեկ էլ շրջվեմ ի՞նչ տեսնեմ ես, որ
Լավ լինի. պատի մյուս կողմից անգոր
Ռուդի լեղաճաք ճիչերը հզոր
Հասան ականջիս՝ ոլոր ու մոլոր:
Պատի հետևից Ռուդը դուրս վազեց:
Նա ինձ մոտեցավ ու «փախանք» ասեց:

Վերջը վազեցինք սրընթաց մենք ցած
Պարսպի վրայից՝ հոգնած, վախեցած:
Ճամփին Ռուդն ասեց, որ ինքը փախել,
Ու պատից էն կողմ նա վայր էր ընկել:
Շունը եկել էր ու մոտիկացել,
Ու Ռուդը շան վրա էր գոռացել:
Շունը վախեցել, նվնդով ծկել
Ու Ռուդը ինձ մոտ էր վերադարձել:
Հետո վազեցինք մենք ճեպասլաց,
Որպես գերեզմանից էինք փախած:
Ու ես շոյելով բեղերս ասացի.
Լավ, ես տողը ես հորինեցի (Ռուդը):
08.04.2017

Ֆրեշմենիստը

Մութն ընկել է, ուշ է արդեն,
Աչիկներն են մեր փակվում,
Բայց մի մարդ դեռ լուռ ծնկել է
Ամերիկյան ինստիտուտում:
Ծնկել է նա ու լալիս է,
Լալիս վհատ, արտասվաթոր,
Չէ՞ որ ֆրեշմենն անելուն իր
Արդեն քիչ է մնում օր-օր:

³ Իրականում վազեցի ու ձեռքից քաշեցի, բայց
ձեռքս սահեց ու անջատվեց

Էրեջ է այդ մարդու անունն,
Մարդը ո՞րն է՝ երիտասարդ,
Բայց ճերմակել են մազերը՝
Պատճառն իրողությունն է բարդ:

Շուտով կըլքքի նա ՀԱՀը,
Ու կմեկնի նա Չինաստան,
Ախր ի՞նչ Շանհայ, ի՞նչ Պեկին,
Երբ որ այնտեղ չկա ֆրեշման:

Ծնկել է աստիճաններին,
Որտեղ որ դեռ նախորդ օրը
Ծնկել էր ճիշտ նույն կերպ, բայց ժիր
Շարադրում էր իր էսսեյը:

Այդպես անցկացրեց գիշերը՝
Խամրած ձեռքին հակված գլխով,
Տեսիլքներով գեյ ուսուցչի,
Էսսեյների ուրվականով:

Լույսի շողերի գալուն պես
Սրբեց նա իր թաց այտերը,
Դժվարությամբ, բայց և հպարտ՝
Տվեց վերջին հրաժեշտը:

Նա հեռացավ, բայց և այնպես
Չի կոչվելու նա դասալիք,

Այլ իր արած գործոց համար՝
Ֆրեշմենի նվիրյալ մարտիկ:
12.05.2020

Տե՛քսթ սամուրայը և էքժժ իմաստակերտը արշավում են

Առավոտյան հինգն անց կես
Զնգաց իմ զարթուցիչը,
Տրորեցի աչքերս,
Նայեցի ես իմ շուրջը:

Բացվում էր լույսը արդեն,
Քանզի ամառ էր դրսում,
Զով էր հաճելիորեն,
Բայց, իհարկե, չէի մրսում:

Վեր կացա ես տեղիցս
Ու մարմինս ձգեցի,
Լվացրեցի երեսս,
Եվ հետո հագնվեցի:

Շտապեցի ավտոտնակ՝
Այգու միջով անցնելով,
Մեկն ու շների ոհմակ
Գնում էին ըզբոսնելով:

Հեծնեցի հեծանիվս
Ու ես առաջ սլացա,
Ետ թողեցի մեր դաշտը

Ու ես փողոց դուրս եկա:

Չէր երևում փողոցում

Ոչ մի ավտոմեքենա,

Աչքս նետեցի հեռուն,

Արագ առաջ ընթացա:

Չէի հեռացել դեռ շատ դեն,

Երբ մի շուն ինձ նկատեց,

Եվ այն կատաղիորեն

Նետվեց ինձ հետապնդեց:

Ընթացքս դանդաղեցրի,

Որ նրան հանգստացնեմ,

Եվ մի կերպ ազատվեցի՝

Նշանակետին հասնեմ:

Սիրիի շրջակայքում

Հեծանիվ եկավ ի հայտ,

Գալիս էր այն, մոտենում,

Երևաց՝ էրեջն էր այդ:

Ընթանում էր ճոճվելով

Ոլոր-մոլոր նա առաջ,

Ջրափոսերն շրջանցելով

Գալիս էր ինձ ընդառաջ:

Հանդիպեցինք. շատ չանցած

Կրկին մենք շարժվեցինք:

«Ուղղությունը դեպի ցած»

Ընթացքում որոշեցինք:

Ջրուցելով վարում էինք

Վեցն էր արդեն այդ պահին,

Բայց Դավիթաշենից մենք

Դուրս չէինք եկել տակավին:

Մերըն էր ողջ ճամփան լայն,

Խթանեցինք ոտնակներն,

Թափով առաջ սլացան

Մեր մետաղե նժույգներն:

Գյուղը միջով կտրեցինք

Ու մենք հասանք Հալաբյան,

Կողք կողքի ընթանում էինք,

Ազատ էր ողջ ճամփան լայն:

Ոչ շատ վաղ անձրևել էր,

Ջրափոսեր կային բազում,

Առտըվան թարմություն էր,

Եվ դա մեզ չէր խանգարում:

Դուրեկան էր գլորվելն

Հալաբյանով դեպի ցած,

Հայտնվեց լայն ճակատըն
Համալիրի՝ շատ չանցած:

Վեր խոյացանք քաջաբար
Մենք թեքությամբ դեպի վեր,
Գնում էինք դեպի անտառ,
Ստացվում էր, բայց դա հեշտ չէր:

Վերջապես հայտնվեցինք
Գագաթին այդ բլրերի,
Երբ որ հաղթահարեցինք
Վերելքները այնտեղի:

Եվ հաճելի էր հետո
Ցած իջնելը այդտեղից՝
Առանց ոտնակ շրջելու,
Քամով՝ փչող դիմացից:

«Դուրեկան էր» հաստատեց
Էրեջն՝ աշխետն սանձելով,
Եվ հետո նա հարցրեց
Ու՞ր ենք գնում այդտեղով:

Այդտեղից մենք դիմեցինք
Դեպի ցածի շրջադարձ,
Անցանք դեմով Դալմայի
Եվ այնտեղ էինք մի քիչ անց:

Իջնում էր ճամփան կրկին՝
Թեքանալով դեպի աջ,
Գնում էինք Հաղթանակի
Կամուրջին մենք ընդառաջ:

Դա էլ կտրեցինք անցանք,
Հասանք Քենդիի այգուն,
Առավոտ էր դեռ սակայն,
Շատրվաններն էին անգույն:

Շրջեցինք այդպես երկար
Կենտրոնում մենք երկուսով,
Միայն երկու հեծանվորդ
Աղջիկ տեսանք դիպվածով:

Օրը բացվում էր սակայն,
Ժամը յոթը կլիներ,
Շատացան առավոտյան
Գործի շտապող ավտոներն:

Մի շների ոհմակ էլ
Անցավ Սայաթ-Նովայով,
Նրանց կտրելով մենք էլ
Գնացինք այդ փողոցով:

Էրեջին համոզեցի

Հետս վերն բարձրանալ

Հաղթանակի զբոսայգի՝

Պլանի գլուխ գնալ:

Ծանր էր մեր ճամփան վեր,

Ոչ այնքան էլ ինձ համար,

Այլ բակերից դուրս չվարած

Էրեջին էր դա դժվար:

Վերջապես հայտնվեցինք

Ազատության փողոցի՝

Մի քիչ վեր խաչմերուկից

Մոտն վերգետնյա կամուրջի:

Չդիմացավ Էրեջը

Եվ կայանել ըստիպեց,

Մի աթոռի թիկնեց և

«Զոհվեցի՛նք» բացականչեց:

Փոքր-ինչ դադրելուց հետո

Մենք կրկին ճամփա ընկանք,

Վերելքըն էր մեզ սպասում

Եվ մենք տոկուն ձևացանք:

Երբ Լամբադային հասանք,

Օրհնելի էր այդ պահը

Էրեջի համար. տանջանքն

Պրծավ՝ իջնում էր մայրը:

Կանգնեցինք սիրիի մոտ՝

Մի բան ուտենք այնտեղից,

Օրն էր բացվել արևոտ,

Սոված էինք առավոտից:

Ես ըսպասեցի դրսում,

Էրեջն մտավ հոգոցով,

Հեծանիվներն էի հսկում,

Երբ եկավ նա տոպրակով:

Կերանք մի-մի կրուասան,

Վերալիցքավորվեցինք,

Հեծնեցինք ամենքս յուրան

Ձիուն ու արշավեցինք:

Գլորվեցինք այդտեղից

Դեպի ցած Կոմիտասով.

Ութն անցել էր շուտվանից,

Լիքն էր փողոցն մարդկանցով:

Հասանք այդպես Վաղարշյան,

Եվ կամուրջին, որտեղից

Շրջադարձին, և միայն

Երկու քայլ էր այդտեղից:

Հոգնել էինք մենք սաստիկ,
Եվ երբ որ երկրորդ թաղի
Այգուն հասանք, բազմեցինք
Հոգնաբեկ մի աթոռի:

Ինն էր ժամն առավոտվա,
Արևն ադեն կիզիչ էր,
Ինքնամոռաց թուլացանք՝
Ճամփան հոգնեցուցիչ էր:

Էրեջը արտաբերեց
«Թե քո հետ էլ ես տեղ գամ»,
Մեր ուղին ծանրը նստեց,
Անկասկած, նրա վրան:

Հետո մի քիչ դինջացանք
Եվ քիչ էլ զրուցեցինք,
Վերջ ի վերջո ուժ գտանք
Եվ մի կերպ տուն գնացինք:

27.03.2022



Դիպվածներ

Գիտնական ճնճողուկը⁴

Մի ճնճողուկ, որ գիտնական էր,
Շատ էր սիրում մտածել,
Ու անվերջ նա աշխատում էր,
Փորձում էր նա գյուտ անել:

Ու նա այժմ տանջվում էր
Մի ծրագրի վրա, որ
Թույլ էր տալիս առանց թևեր
Թռչել տեղեր հեռավոր:

Ու նա արեց այդպիսի գյուտ,
Շատ ուրախ էր դրանից,
Ու սկսեց թռչել այդպես՝
Զօգտվելով թևերից:

Անցավ մի որոշ ժամանակ,
Ու թևերը ճնճողուկի
Թուլացան, որ այդքան երկար
Պարապ մնացած էին:

Ու գլխին տվեց ճնճողուկը,
Որ չէր առել էդ հաշվի,
Երբ փչացավ նրա սարքը՝
Այդ կարճամիտ թռչունի:

2016-2017

Ճանճասպանասպանը

Ճանճը թռավ նստեց թախտին,
Ճանճի փետը իջավ գլխին:
Ճանճը ջոկեց ու վերստին
Թռավ նստեց տեղը իր հին:
Հետապնդումը շարունակվեց
Մինչև ճանճը գլխին կանգնեց
Ճանճասպանի: Էդ պահին հենց
Ճանճասպանը տարավ-բերեց
Իրա գլխին ինքը տվեց:
Ճանճը ջոկեց ու ճողոպրեց:

2016-2017

Տանջանք

Նստել եմ ու տանջվում եմ
Մի բան գրել եմ ուզում,
Բայց ուղեղս զուր տանջում եմ
Բառը բառին չի սագում:
Հենց ուզեցի ստեղծագործել
Բլոկ ընկավ միտքը իմ,
Հենց ուզեցի հոգնած քնել՝
Ոտանավոր գործեցիմ:
Միշտ ըտենց ա եղել իմ հետ,
Միշտ եղել եմ սենց անբախտ,

⁴ Վերնագրի հեղինակ՝ Քրիստինե Գրիգորյան

Զոռով չեմ գրել ես տող գեթ,
Մնացել ա կարգն անխախտ:
10.03.2017

Խորհրդավոր եռանկյունը

Նստել եմ ես ու նայում եմ
Եռանկյունուն խնդրի, որ
Լուծումը ես գտնել փորձեմ
Եռանկյունու խորհրդավոր:

Գրքախտ

Երեկ կարդացի գիրք մի,
Ու չգիտեմ, թե հիմի
Ինչ կարդամ ես, որ ինձի
Այն նորից բավարարի:
Գիրքը էդ, որ կարդացի
Ինձ համար շատ հաճելի,
Շատ անհամեմատելի
Ուրիշ գրքի հետ կըլնի:
Ու ներվայնացա արդեն,
Ամբողջ օրը էս, քանզի
Չկարողացա գտնեմ
Գիրք, որ ինձ հետաքրքրի:
31.03.2017

Հրաժեշտ Ռուդին

Ահա էս շաբաթ եկավ շաբաթը,
Հիմա է դրա նախորդ ուրբաթը:

Ռուդի աչքերին սև ա երևում
Ամեն բան՝ երկիր ու թե երկնքում:
Վաղը ժողովը իրանց կլինի
Ու իրանց կաշին էլ կքերթվի:
Ու էդ առթիվ Ռուդն ինձ կկտակի
Իրա բոլոր գրքերն ու նաև մի
Ըշտրիխ, որ ջնջեմ գրքերի միջից
«Ռուդ. Սահակյանի գրադարանից»
Մակագրությունն, ու հինգ հարուր դրամ,
Որ շտրիխն էդ հանկարծ դառնա
հաշմանդամ
Նորը առնելու փող ես ունենամ:
16.04.2017

Հակասություն

Ընկեր Սեդրակյանը մի առիթով
Ասեց՝ ձեր խնդիրները մի սվեք
Ուրիշներին, որ ձեր տեղ տանջվելով
Լուծեն ու շատացնեն իրանց խելք:
-Իսկ դուք ըստեց ոչինչ չեք սովորի,
Ու մենք գործ արած կըլնենք հավայի,
Ու մարդիկ փաստորեն կգարմանան,
Քանի որ կգանք մենք հակասության:

Մարո vs խինկալի

Բարդ է նստել աշխատելու,
Սոված՝ դատարկ ստամոքսով,
Բնական է ընդմիջելու

Ցանկությունն իսկույն, շուտով:

Երկու հազար քսանհինգ թվի

Ապրիլյան մի օր էր դա,

Երբ ես խինկալի ուտելու

Մեծ ախորժակ ունեցա:

Երբ մոտեցավ ընդմիջումը

Օֆիսից ես դուրս եկա,

Տուն լահմաջո՝ ուղղությունը,

Բռնեցի ու ընթացա:

Հասնելուս պես միանգամից՝

Առանց խորհելու երկայն

Պատվիրեցի յոթ խինկալի՝

Սովորության համաձայն:

Բերեցին թագավորական

Յոթ պարկիկ անուշահոտ,

Եվ անխոնջ ձեռնամուխ եղա

Համտեսել դրանք փութկոտ:

Ձեռքս վերցրի առաջինը

Եվ ուտել սկսեցի,

Սակայն փորձս անհաջող էր,

Ձեռքիս մեջ այն պատռեցի:

Վշտացա ես, բայց ինչ արած,

Մի կերպ կերա, վերջացրի,

Բայց երկրորդը ձեռքս չառած

Նույն բախտին արժանացրի:

Տարօրինակ էր ինձ դա խիստ,

Այ քեզ անհաջողություն,

Վերջերս էր, որ ձեռք էի բերել

Այն ուտելու հմտություն:

Իրոք, վիդեոներ էի դիտել

Քանի-քանի յութուբում,

Եվ տեսական գիտելիքս էլ

Հաստատել գործնականում:

Բայց այս անգամ մի բան շեղ էր,

Որ պարկը որ չէի բռնում

Ձեռքիս միջին պատռվում էր

Տասը վայրկյան չէր անցնում:

Եվ այդպիսով ողջ ամանս

Հյութն էր պատել պարկերի,

Դրանից ամաչեցի ես

Սաստիկ, գլուխս կախեցի:

Գլուխս կախի շարունակեցի

Մնացած պարկերն ուտել,

Եվ, բնական է, ոչ մեկը

Չձախողեցի պատռել:

Վերջացրեցի այդ պատուհաս

Ճաշս և դեռ չէի հասցրել

Մատուցողին կանչել մոտս

Եվ հաշիվը իմ ուզել,

Երբ որ իմ կողքի սեղանի

Հաճախորդը արեց դա.

Մատուցողը գնաց անդին՝

Հաշիվն բերելու նրա:

Ձայնի վրա տեսադաշտս

Ձննելով շրջապատային⁵

Հայտնաբերեցի ծանոթիս՝

Քերովյան Գրիգորին:

Պարզվում է իրար կողքի

Քառասուն րոպե նստած

Ճաշել էինք գաղտագողի

Իրարից՝ առանց կասկած:

Դուրս եկանք միաժամանակ

Մենք այդտեղից երկուսով,

Քիչ խոսեցինք ու մեկնեցինք

Ամենքս յուրան ճամփով:

Եվ այդ օրը դաս եղավ ինձ,

Որ երբ լինեմ գնացած

Մեկ էլ խինկալի ուտելու

Եղունգներս լինեն կտրած:

09.06.2025

⁵ peripheral

Զանազան

Խոկմունք

Հոգով դառնացած, մթագնած մտքով
Քայլում եմ աշնան թախծոտ այգիով:
Մտքեր են գալիս ու գնում անվերջ,
Չեմ գտնում ես ինձ տիեզերքի մեջ:
Մտքեր են գալիս՝ կայուն ու մնում,
Մտքեր կան՝ օրով հանգիստ չեն թողնում:
Խորհում եմ անդորր դաշնության մասին
Ու պատերազմի ավերի մասին,
Ու մի ուժաթափ կսկիծ է իջնում
Վիրավոր սրտիս, մոլեգին հոգուս:
Ու կաշկանդվում է միտքս խելագար
Ու տանջվում, մաշվում մտքերից մոլար:
Մուգվում է միտքս ճահճում խոհերի
Անթիվ ու բազում որոգայթների:
Գոռում են ճիչերն փլատակների
Երբեմնի մանուկ, պարզ ու ջինջ մտքիս:
Ու այն տվայտանքն չարաբաստիկ,
Որ պատել է ինձ ու ավեր մտքիս,
Չի անցնում, այլ դեռ ավելի սաստիկ
Գրոհում է այն որպես չար պատիժ:
21.04.2015

Պարադոքս

Երբ մտածում ես,
Որ չես մտածում,

Դու մտածում ես
Ու չես գիտակցում,
Որ մտածում ես:
Ու պարադոքս է
Դառնում փաստորեն,
Որ չես մտածում,
Բայց մտածում ես,
Որ չես մտածում:
2016-2017

Անսխալին

Ասում են, իբրև
Ով չի սխալվում
Եվ ոչ մի բան էլ
Նա չի սովորում:
Սակայն ահա թե
Ինչ ես ձեզ կասեմ.
Եթե մարդ սխալ
Իսկի չի գործում
Եվ գործում է նա
Անթերի, փայլուն,
Միթե խնդի՞ր է,
Կամ հակասություն,
Որ նա այդպես էլ
Բան չի սովորում:
29.06.2025

Մութ անտառում

Մարսափագդու, սեղըմ մթնում՝
Որտեղ գեթ մի աստղ չի շողում
Խավար գիշերն է թագավորում
Զարհուրելի անտառում:
Չղջիկներն անընդհատ ձայնում,
Բվերն են ընդհատ կռավում,
Գայլը ոռնում, անվերջ ոռնում,
Ու ամենը արձագանքում:
Լուսաբացը չի մոտենում,
Լոկ խավարն է դժգույն տիրում:
Լուսնի շող էլ չի երևում,
Որովհետև միայն սոսկում
Կառաջացներ, քանզի դրսում
Անտառն էին պարուրում
Ժայռեր լերկ, ու կարծես ցասում
Ժայթքող քարեր պաղ ու տրտում:
Վառվեց լուսնի շողն անողոք,
Ցրվեց ամպը լուսնին ծածկող
Լուսավորվեց ժայռի ողորկ,
Խոժոռ բարձունքն ահ տարածող:
Գայլը ոռնաց սրտաճմլիկ,
Ցնցվեց նույնիսկ ժայռն ահագդու,
Էլ չմնաց ոչ մի չղջիկ,
Որ չշտապեց փախչել ահու:
Մի ուրիշ ամպ ծածկեց լուսնին,
Փակեց դեմքը լուսնի դեղին,

Էլ չոռնաց գայլը կրկին,

Կտրեց ձայնը նա լալագին:

26.07.2016, Սալունիկի

Ժայռեր

Ողորկ ժայռերը հառնել են ահա
Ինչպես տիրակալ մռայլ ու դժնի,
Ու լուռ հսկում են վիհերի վրա,
Կախված իրենց իսկ լերկ պռունկներից:
Տիրապետում են նրանք անդորրին՝
Հնչեղ անդորրին բազումախորհուրդ,
Ու զարհուրեցնում անցնող դարձողին՝
Չբավարարվելով ու անհագուրդ: